

«ՀՀ ՎԱՐՉԱՊԵՏԻ ԳԱՎԱԹ» ՍԻՐՈՂԱԿԱՆ ՍԵՂԱՆԻ ԹԵՆԻՍԻ ՄՐՑԱՇԱՐԻ ԱՆՑԿԱՑՄԱՆ ԾՐԱԳՐԻ

ԱՌԱՋԱՐԿ

Տիտղոսաթերթ

Կազմակերպության անունը՝ «ԿՈՆՑԵՊՏ ԻՎԵՆԹՍ» ՍՊԸ
Հապավումը (եթե առկա է)
Ծրագրի անվանումը՝ «Հայաստանի Հանրապետության Վարչապետի գավաթ» սիրողական սեղանի թենիսի մրցաշարի եզրափակիչ փուլի անցկացում
Ծրագրի սկիզբ / ավարտ (օր/ամիս/տարի) 2022 թվականի մարտի 1-ից 2022 թվականի ապրիլի 1-ը
Ծրագրի իրականացման վայրը/ աշխարհագրությունը (մարզ, համայնք) ՀՀ Կոտայքի մարզ, ք. Չարենցավան
Կազմակերպության ղեկավար՝ Աննա Դանիելյան (անուն, հեռախոս, էլ. փոստ) +374 99 39 45 21, concepteventsarmenia@gmail.com
Ծրագրի ղեկավար/համակարգող՝ Վլադիմիր Գևորգյան , (անուն, հեռախոս, էլ. փոստ) +374 94 64 64 74, v.g.gevorgyan@gmail.com
Ծրագրի հաշվապահ՝ Լիլիթ Գրիգորյան (անուն, հեռախոս, էլ. փոստ) +374 98 23 25 00, hashvapah2021@gmail.com
Կազմակերպության գործունեության հասցեն և կոնտակտային տվյալները (հեռախոս, ֆաքս և էլ.փոստ) ՀՀ, ք. Ստեփանավան, Չարենցի 124, +374 41 878 878, concepteventsarmenia@gmail.com
Ծրագրի բյուջե (ՀՀ դրամ)՝ 25,042,025 (Քսանհինգ միլիոն քառասուններկու հազար քսանհինգ)

Համառոտագիր

Ներկայացրեք ծրագրի ամփոփ նկարագիրը:

2022 թվականին անցկացվող սիրողական սեղանի թենիսի մրցաշարի (այսուհետ՝ Մրցաշար) նպատակն է.

- 1) մասսայականացնել սեղանի թենիսը Հայաստանի Հանրապետությունում,
- 2) վերականգնել երբեմնի սիրված մարզաձևի ավանդույթները,
- 3) բնակչության տարբեր տարիքային խմբերի առօրյայում ֆիզիկական վարժություններով մշտապես զբաղվելու, առողջ կենսակերպի գաղափարի արմատավորումը:

Մրցաշարը անց է կացվելու 2 փուլով՝ (1-ին փուլը՝ մարզային, 2-րդ փուլը՝ եզրափակիչ):

- 1) 1-ին փուլը կազմակերպելու է Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Նախարարություն) և անցկացվել է մինչև փետրվարի 10-ն ընկած ժամանակահատվածում՝ Հայաստանի Հանրապետության մարզերում, Երևան քաղաքում և Արցախի Հանրապետությունում:

Մրցաշարի նախապատրաստման և անցկացման աշխատանքները համակարգում է Նախարարությունը: Մրցաշարի կազմակերպումն ու անցկացումը իրականացվում է Նախարարության կողմից հաստատված հանձնաժողովի և մրցավարական հանձնաժողովի կողմից՝ համագործակցելով Հայաստանի սեղանի թենիսի ֆեդերացիայի հետ:

- 2) 2-րդ՝ եզրափակիչ փուլի Մրցաշարը անց է կացվելու մարտի 12-13-ին ՀՀ Կոտայքի մարզի Չարենցավան քաղաքում:

Ծրագրի նկարագրություն

Սեղանի թենիսը հայտնի է դեռևս 12-րդ դարից: Այն ոչ միային հաճելի ժամանց ապահովելու հնարավորություն է, այլև նպաստում է խաղացողների ֆիզիկական մարզվածությանը:

Դեռևս 1880-ական թվականներից խաղը Անգլիայի վերնախավի շրջանում դարձավ նորաձև:

Սեղանի թենիսը սպորտի տեսակ է, հիմնված գնդակի գնդաթիով հարվածի վրա ցանցի վրայով սեղանին, որն ուղեկցվում է որոշակի կանոններով: Խաղի նպատակը մրցակցի՝ գնդակին ճիշտ կամ ընդհանրապես հարվածել չկարողանալն է:

Կարևոր համաշխարհային մրցույթներն են՝ աշխարհի առաջնությունը և օլիմպիական խաղերը:

Կազմակերպության փորձառությունը

Ներկայացրեք կազմակերպության առաքելությունը և նպատակները, ինչպես նաև նշված ոլորտում իրականացված ծրագրերը (ժամանակահատված, դրամաշնորհաբաժնի կազմակերպություն, բյուջե, նպատակ, արդյունքներ):

«ԿՈՆՑԵՊՏ ԻՎԵՆԹՍ» ՍՊԸ հիմնադրվել է 2019 թվականի սեպտեմբերի 24-ին:

Կազմակերպությունը վերջին 3 տարիներում իրականացրել է բազմաթիվ միջոցառումներ, որոնցից կառանձնացնենք՝

1. «Երևանի գավաթ» սիրողական հեծանվավազքի մրցաշար: Մասնակիցների թիվը՝ 100:

Մայրաքաղաքի փողոցներում անցկացվել է 2021թ. «Երևանի գավաթ» սիրողական հեծանվավազքի մրցաշար: Հաղթողներն ու մրցանակակիրները պարգևատրվել են գավաթներով, պատվոգրերով ու համապատասխան կարգի մեդալներով, դիպլոմներով:

2. Ծանրամարտի Երևան քաղաքի առաջնություն: Մասնակիցների թիվ՝ 200

Միջոցառումը անցեկացվել կանոնակարգով նախատեսված քաշային կարգերով, մասնագիտացված մարզադահլիճում՝ կահավորված ծանրամարտի հարթակներով, մասնագիտական անհրաժեշտ գույքով, այդ թվում՝ 2 հարթակներ, օլիմպիական չափանիշի 2 ծանրաձողերով ու 2 լրակազմով՝ 1,5-25 կգ-ոց, մինչև 300 կգ ծանրաքարերով:

3. Հաշմանդամություն ունեցող անձանց ստեղծագործությունների ցուցահանդես՝ համերգային ծրագրի ուղեկցությամբ ու պարաօլիմպիկ մարզիկների մասնակցությամբ: Մասնակիցների թիվ՝ 50:

Հաշմանդամություն ունեցող 50 մասնակիցներ արժանացել են դրամական մրցանակների: Տրամադրվել է տեխնիկական և սպասարկող անձնակազմի ծառայություններ:

4. Կենտրոն վարչական շրջանում ՀՀ անկախության 29-րդ տարեդարձին նվիրված դպրոցականների քաղաքային 29-րդ մարզական խաղեր: Մասնակիցների թիվ՝ 131:

Մարզական խաղերը անցկացվել են՝ ֆուտբոլ, վոլեյբոլ, բասկետբոլ, հանդբոլ, սեղանի թենիսի մարզաձևերից և տևել է 6 օր:

5. Մալաթիա-Սեբաստիա վարչական շրջանում «Առողջ սերունդ՝ պաշտպանված հայրենիք» համաքաղաքային բակային փառատոն: Մասնակիցների թիվը՝ 72:

Մարզական խաղերը անցկացվել են՝ վոլեյբոլ, բասկետբոլ, ֆուտբոլ, հանդբոլ, հեծանվավազք և մարզատրամբանական խաղեր մարզաձևերից և տևել՝ 13 օր:

6. Արաբկիր վարչական շրջանի սուսերամարտի բաց առաջնություն: Մասնակիցների թիվ՝ 18

Միջոցառումը տևել է 3 օր, հաղթողները պարգևատրվել են գավաթներով, մեդալներով և դիպլոմներով:

7. Արաբկիր վարչական շրջանի տարվա լավագույն մարզիչ, մարզիկ միջոցառում:

Միջոցառումը տեղի է ունեցել «Երևանի Արաբկիրի համալիր մարզաձևերի մանկապատանեկան մարզադպրոց» ՀՈԱԿ-ում: Միջոցառման ընթացքում ներկայացվել են ցուցադրական ելույթներ: Տարվա ընթացքում լավագույն արդյունքներ ցուցաբերած 10 մարզիչները և 10 մարզիկները պարգևատրվել են խրախուսական պարգևատրումով և մրցանակներով:

8. ՀՀ նախագահի մրցանակի համար «Լավագույն մարզական ընտանիք» մրցույթի Արաբկիր վարչական շրջանի առաջնություն: Մասնակիցների թիվ՝ 36:

Միջոցառումը տեղի է ունենցել «Երևանի Հ. Իսակովի անվան հ.132 հիմնական դպրոց» ՊՈԱԿ-ի խաղահրապարակում: Մրցույթը անցեկացվել «Լավագույն մարզական ընտանիք» մրցույթի կանոնակարգի համապատասխան խաղաձևերից:

Ծրագրի նպատակը, խնդիրներն ու ակնկալվող արդյունքները

Համառոտ կերպով նկարագրել՝ որն է ծրագրի նպատակը և ինչ արդյունքներ են ակնկալվում ծրագրի ավարտին:

1. 2022 թվականին անցկացվող սիրողական սեղանի թենիսի մրցաշարի (այսուհետ՝ Մրցաշար) նպատակն է.

4) մասսայականացնել սեղանի թենիսը Հայաստանի Հանրապետությունում,

5) վերականգնել երբեմնի սիրված մարզաձևի ավանդույթները,

6) բնակչության տարբեր տարիքային խմբերի առօրյայում ֆիզիկական վարժություններով մշտապես զբաղվելու, առողջ կենսակերպի գաղափարի արմատավորումը

2. Խնդիրներն են՝

1) զանգվածային սպորտի և ակտիվ կենսակերպի վերաբերյալ ոչ բավարար քարոզչությունը

2) սեղանի թենիսի կանոնավոր պարապմունքներին բնակչության (միջին և բարձր տարիքի անձանց) ոչ բավարար ներգրավվածությունը, առողջ ապրելակերպ չվարելը:

Գործողություններ

Որոնք են այն կոնկրետ գործողությունները և մեթոդները ծրագրի նպատակի իրագործմանն ուղղված յուրաքանչյուր խնդրի համար: Ներկայացնել ամսական կտրվածքով աշխատանքային պլան՝ համաձայն սպորտ ներկայացված ձևաչափի .

Մրցաշարին կարող են մասնակցել ցանկություն ունեցող բոլոր քաղաքացիները, (սիրողական մարզիկներ, ուսանողներ, պետական և մասնավոր ոլորտի աշխատողներ, միջազգային կազմակերպությունների և դեսպանատների ներկայացուցիչներ, օտարերկրացի զբոսաշրջիկներ) ովքեր չունեն առողջական խնդիրներ: Մրցաշարի ընթացքում առաջացած առողջական խնդիրների դեպքում՝ պատասխանատվությունը կրում է մասնակիցը:

Մրցաշարին չեն կարող մասնակցել այն մարզիկները, ովքեր վերջին 5 տարիների ընթացքում մասնակցել են սեղանի թենիսի ՀՀ առաջնություններին և միջազգային մրցաշարերին, բուքմեյքերական գրասենյակների կողմից կազմակերպվող վճարովի խաղերի մասնակիցները:

ՀՀ մարզերում, Արցախի Հանրապետությունում և Երևան քաղաքում՝ ըստ տարիքային խմբերի 1-3 տեղերը գրաված մասնակիցների հայտերը (12 մասնակից) «ՀՀ Վարչապետի գավաթ» սիրողական սեղանի թենիսի մրցաշարի եզրափակիչ փուլին մասնակցելու համար ներկայացվում է ՀՀ կրթության, գիտության, մշակույթի և սպորտի նախարարություն մինչև 2022 թվականի փետրվարի 15-ը:

Մրցաշարը կանցկացվի 2 տարիքային խմբով, 2 փուլով՝

1) 1-ին փուլի մրցումները՝ Երևան քաղաքում, Հայաստանի Հանրապետության մարզերում և Արցախի Հանրապետությունում,

2) Մրցաշարի 2-րդ՝ եզրափակիչ փուլին մասնակցում են Հայաստանի Հանրապետության մարզերում, Երևան քաղաքում և Արցախի Հանրապետությունում ըստ տարիքային խմբերի 1-ից 3-րդ տեղեր գրաված տղամարդիկ և կանայք,

3) 1-ին տարիքային խումբ՝ 18-ից 35 տարեկան (1987-2004 թթ. ծնված) կանայք, 18-ից 40 տարեկան (1982-2004 թթ. ծնված) տղամարդիկ,

4) 2-րդ տարիքային խումբ՝ 36 (1986 թ. ծնված) և բարձր տարիքի կանայք, 41 (1981 թ. ծնված) և բարձր տարիքի տղամարդիկ:

Մասնակիցները պետք է մրցավայր ներկայանան իրենց անձնական ռակետներով:

Մրցաշարի եզրափակիչ փուլի անցկացման կարգն ու պայմանները որոշում է Նախարարության կողմից ստեղծված մրցավարական հանձնաժողովը, իսկ 1-ին փուլի անցկացման պայմանները որոշում են մարզպետարանները և Երևանի քաղաքապետարանը Արցախի Հանրապետության ԿԳՄՍ նախարարությունը:

1) հանդիպումները կանցկացվեն երեք (3) խաղափուլից: 1-4-րդ տեղերի համար կխաղան հինգ (5) խաղափուլից,

2) Մրցաշարի անցկացման կարգն ու պայմանները որոշում է Նախարարության կողմից ստեղծված մրցավարական հանձնաժողովը,

3) Պահանջվող պայմաններին չհամապատասխանող մասնակիցների մասնակցությունը առաջնությանը չի թույլատրվելու:

«Հայաստանի Հանրապետության Վարչապետի գավաթ» սիրողական սեղանի թենիսի մրցաշարի եզրափակիչ փուլն անցկացվելու է համաձայն ՀՀ ԿԳՄՍ նախարարի 2022 թվականի հունվարի 25-ի N 71-Ա/2 հրամանի պահանջներին:

Մրցաշարին երկու տարիքային խմբերում 1-ին, 2-րդ և 3-րդ տեղերը գրաված մասնակիցները (տղամարդիկ և կանայք) կպարգևատրվեն Նախարարության համապատասխան կարգի հավաստագրերով, գավաթներով, մեդալներով, իսկ 1-ից 20-րդ տեղեր գրաված մասնակիցները՝ դրամական մրցանակներով՝ 1-ին տեղ՝ 1.000.000 ՀՀ դրամ, 2-րդ տեղ՝ 600.000 ՀՀ դրամ, 3-րդ տեղ՝ 400.000 ՀՀ դրամ, 4-րդ տեղ՝ 150.000 ՀՀ դրամ, 5-րդ տեղ՝ 100.000 ՀՀ դրամ, 6-10-րդ տեղերը՝ 75.000 ՀՀ դրամ, 11-20-րդ տեղերը՝ 50.000 ՀՀ դրամ: Հարկերը, տուրքերը և պարտադիր վճարները ներառված չեն:

Մրցաշարի բոլոր մասնակիցներին կտրվեն մարզաշապիկներ և հավաստագրեր: Արդյունքները կամփոփվեն մրցումների ավարտից անմիջապես հետո:

Մինչև մրցաշարերի սկսելը նախապես Կազմակերպության սպասարկող անձնակազմի կողմից իրականացվելու է Մարզադահլիճի ձևավորումը և կահավորումը:

Մարզադահլիճը /ողջ երկայնքով/ ձևավորվելու է համապատասխան տպագրությամբ բաններներով խաղի մարզական մթնոլորտը ապահովելու համար: Չարենցավանի համայնքային մարզադպրոց կտեղափոխվի 10-15 հատ թենիսի սեղաններ՝ իրենց

համապատասխան լուսային սարքերով: Դահլիճում կտեղադրվեն նաև տեսանկարահանող սարքեր մրցումների օնլայն հեռարձակումը ապահովելու համար: Դահլիճում տեղադրվելու են նաև համապատասխան ձայնային սարքավորումներ մրցավարների մրցումները սպասարկելու համար: Դահլիճում կլինի առանձնացված նաև պարզևատրման համար նախատեսված անկյուն համապատասխան ձևավորումով:

Կազմակերպությունը կապահովի նաև Մրցումների մրցավարների Երևան քաղաքից Չարենցավան և հետադարձ տեղափոխումը:

Մարզադահլիճի հարակից տարածքը կձևավորվի եռագույն դրոշակներով և պաստառներով:

Մարտի 12-ին Եզրափակիչ փուլ անցած ՀՀ 10 մարզերի, Երևան քաղաքի և Արցախի Հանրապետության մասնակիցները կժամանեն ք. Չարենցավան: Մրցումներն իրականացվելու են Չարենցավանի համայնքային մարզադպրոցում: Մրցումները սկսելուց առաջ բոլոր մասնակիցներին, ինչպես նաև մրցավարներին կբաժանվեն «Հայաստանի Հանրապետության Վարչապետի գավաթ» սիրողական սեղանի թենիսի մրցաշարի խորհրդանիշով մարզաշապիկներ: Մրցավարները կիրականացնեն վիճակահանություն, որի արդյունքում մարզիկները կստանան իրենց հերթական համարները և կպատրաստվեն մրցումներին: Մրցումները կսկսվեն ժամը 11:00-ին: Ժամը 14:00-14:30 ընդմիջում, որի ընթացքում բոլոր մասնակցները, մրցավարները կստանան լանչբրքսեր և ըմպելիքներ: 14:30-ից խաղը կշարունակվի մինչև 18:00:

Մարտի 13-ին 11:00-ից կսկսվի երկրորդ խաղային օրը: Ժամը 14:00-14:30 ընդմիջում, որի ընթացքում բոլոր մասնակցները, մրցավարները կստանան լանչբրքսեր և ըմպելիքներ: 14:30-ից խաղը կշարունակվի: Երկրորդ օրը տեղի է ունենալու նաև մրցաշարի հանդիսավոր փակման արարողությունը, որը կվարեն երկու սպորտային հաղորդավարներ: Փակման արարողությանը ներկա կգտնվեն նաև ՀՀ վարչապետը, ՀՀ կառավարության անդամներ, Մարզպետեր, համայնքապետեր, դեսպաններ և այլ պաշտոնական հյուրեր: Մրցանակաբաշխությունը կիրականացվի Վարչապետի հովանու ներքո և անմիջական մասնակցությամբ, որի ընթացքում կպարգևատրվեն 1-ից 20-րդ տեղերը զբաղեցրած մասնակիցները: Յուրաքանչյուր տարիքային խմբում 1-3-րդ տեղերը զբաղեցրած տղամարդիկ և կանայք 2 տարիքային խմբերով կպարգևատրվեն դրամական մրցանակներով, գավաթներով, մեդալներով, հավաստագրերով և ծաղկեփնջերով: Իսկ 4-20-րդ տեղերը զբաղեցրած մասնակիցները՝ համապատասխան կանոնակարգի, կպարգևատրվեն դրամական մրցանակներով և հավաստագրերով:

Բոլոր մասնակիցները կստանան մասնակցության հավաստագրեր: Օտարերկրյա քաղաքացիները կպարգևատրվեն հուշանվերներով, շնորհակալագրերով:

Փակման արարողությունը կամփոփվի հրավառությամբ:

Մրցաշարի երկու օրերի ողջ ընթացքը կնկարահանվի և ավարտից հետո մեկ շաբաթվա ընթացքում կպատրաստվի տեսահոլովակ, որը կտարածվի սոցիալական ցանցերով:

ԱՇԽԱՏԱՆՔԱՅԻՆ ՊԼԱՆ

Կազմակերպություն

Ծրագիր

սիրողական սեղանի թենիսի մրցաշարի կազմակերպում և անցկացում

ժամանակահատված

«ԿՈՆՑԵՊՏ ԻՎԵՆԹՍ» ՍՊԸ

«Հայաստանի Հանրապետության Վարչապետի գավաթ»

2022 թվականի մարտի 1-ից 2022 թվականի ապրիլի 1-ը

Հ/Հ	Գործողություն	Պատասխանատու	Մարտ			
			1-ին շաբաթ	2-րդ շաբաթ	3-րդ շաբաթ	4-րդ շաբաթ
1	Նախապատրաստական աշխատանքների իրականացում	Ծրագրի համակարգողներ Ծրագրի հաշվապահ Սպասարկող անձնակազմ				
2	Մրցախաղի անցկացում	Ծրագրի համակարգողներ Սպասարկող անձնակազմ		12-13		
3	Տեսահոլովակի նկարահանում	Ծրագրի համակարգողներ				
4	Ծրագրի ամփոփում, հաշվետվության ներկայացում	Ծրագրի համակարգողներ Ծրագրի հաշվապահ				

Ծրագրի շահառուները ու շահագրգիռ կողմերը

Ծրագրի շահառուներն են ՀՀ, ԱՀ և օրտարերկրյա 18 տարեկանից բարձր տարիքի կանայք և տղամարդիկ, ովքեր հաջողությամբ մասնակցել են մրցաշարի առաջին փուլին և անցել են եզրափակիչ փուլ:

Շահագրգիռ կողմերն են՝ ՀՀ մարզպետարաններն ու համայնքապետարանները, մարզադպրոցները:

Ռիսկերի գնահատում

Ծրագիրը ռիսկայնության առումով բավականին կայուն է: Մեր կազմակերպությունը ունի մասսայական միջոցառումների իրականացման բավականին լավ փորձառություն և առաջացած ցանկացած խնդիրների դեպքում պատրաստ է արագ կողմնորոշվել և ըստ ստեղծված իրավիճակի առաջարկել այլընտրանքային լուծումներ:

Ծրագրի աշխատակազմը

Նկարագրել ներգրավվող և վճարվող աշխատակիցների և/կամ փորձագետների պատասխանատվության շրջանակը և կցել կենսագրականները:

Անուն, ազգանուն	Դերը ծրագրում	Փորձառությունը
Աննա Դանիելյան	Ծրագրի համակարգող	Աննա Դանիելյանը ունի 20 տարվա փորձառություն երիտասարդական, մշակութային, սպորտային միջոցառումների կազմակերմման ոլորտում: Երկար տարիներ աշխատել է պետական համակարգում: Աննա Դանիելյանը Ռուսաստանի Դաշնությունում հիմնադրել և ղեկավարել սեփական զբոսաշրջային ընկերությունը և ունեցել բազմաթիվ խմակային տուրեր աշխարհի բազմաթիվ երկրներ:
Վլադիմիր Գևորգյան	Ծրագրի համակարգող	Վլադիմիր Գևորգյանը ունի 15 տարվա փորձառություն ուսանողական, գիտական, երիտասարդական, սպորտային և մշակութային միջոցառումների կազմակերմման ոլորտում: Կազմակերպել և իրականացրել է բազմաթիվ գիտական և ուսումնական սեմինարներ, կոնֆերանսներ և գիտաժողովներ: Եղել է ֆուտբոլի ՈԻԵՖԱ-ի 2016 թվականի Չեմպիոնների լիգայի խմբային փուլի կազմկոմիտեի անդամ:
Լիլիթ Գրիգորյան	Ծրագրի հաշվապահ	Լիլիթ Գրիգորյանը հաշվապահության ոլորտում ունի 6 տարվա փորձառություն: Վարել է բազմաթիվ խոշոր կազմակերպությունների հաշվապահությունը: Այժմ բացի հաշվապահական հաշվառումից, նաև զբաղվում է խորհրդատվությամբ ֆինանսական ոլորտում:

«ԿՈՆՑԵՊՏ ԻՎԵՆԹՍ» ՍՊԸ տնօրեն՝
Աննա Դանիելյան

ստորագրությունը)

Կ. Տ.